



საქართველოს მთავრობის განკარგულება

№49

2020 წლის

10

იანვარი

ქ. თბილისი

„შპს „დაუთასათვის“ სახელმწიფო საკუთრებაში არსებული უძრავი ნივთის იჯარის უფლებით გადაცემაზე თანხმობის მიცემის შესახებ“ საქართველოს მთავრობის 2017 წლის 2 თებერვლის №148 განკარგულებაში ცვლილების შეტანისა და შპს „დაუთას“ საქმიანობის ხელშესაწყობად რიგ ღონისძიებათა განხორციელების თაობაზე

1. საქართველოს ზოგადი ადმინისტრაციული კოდექსის 63-ე მუხლისა და „სახელმწიფო ქონების შესახებ“ საქართველოს კანონის 49¹ მუხლის პირველი პუნქტის შესაბამისად, „შპს „დაუთასათვის“ სახელმწიფო საკუთრებაში არსებული უძრავი ნივთის იჯარის უფლებით გადაცემაზე თანხმობის მიცემის შესახებ“ საქართველოს მთავრობის 2017 წლის 2 თებერვლის №148 განკარგულებაში შეტანილ იქნეს ცვლილება და მე-2 პუნქტის „ბ.ა“ ქვეპუნქტი ჩამოყალიბდეს შემდეგი რედაქციით:


„ბ.ა) ონის მუნიციპალიტეტის სოფელ პიპილეთში მდებარე 5613 კვ. მ სასოფლო-სამეურნეო დანიშნულების მიწის ნაკვეთზე (მიწის (უძრავი ნივთის)

საკადასტრო კოდი: №88.06.22.071) არანაკლებ 45 (ორმოცდახუთი) სულ
მსხვილფეხა რქოსან პირუტყვზე გათვლილი ფერმ(ებ)ის აშენება და მოწყობა;“.

2. „სახელმწიფო ქონების შესახებ“ საქართველოს კანონის 49¹ მუხლის პირველი პუნქტის შესაბამისად, შპს „დაუთა“ (ს/კ: №218075295) გათავისუფლდეს საქართველოს ეკონომიკისა და მდგრადი განვითარების სამინისტროს სისტემაში შემავალ სსიპ – სახელმწიფო ქონების ეროვნულ სააგენტოსა და შპს „დაუთას“ შორის 2017 წლის 23 მარტს დადებული იჯარის ხელშეკრულების 3.1.1 მუხლის „ა“ და „ბ“ ქვეპუნქტებით, ასევე 3.1.3 და 3.1.4 მუხლებით გათვალისწინებული ვალდებულებების დარღვევისათვის ამავე ხელშეკრულების 7.3, 7.4 და 7.6 მუხლებით ამ განკარგულების საფუძველზე შესაბამისი ცვლილების ხელშეკრულების გაფორმებამდე დასაკისრებელი/დაკისრებული პირგასამტეხლოსგან.

3. საქართველოს ეკონომიკისა და მდგრადი განვითარების სამინისტროს
სისტემაში შემავალმა საჯარო სამართლის იურიდიულმა პირმა – სახელმწიფო
ქონების ეროვნულმა სააგენტომ, ამ განკარგულების შესრულების მიზნით,
განახორციელოს კანონმდებლობით გათვალისწინებული შესაბამისი
ღონისძიებები.

პრემიერ-მინისტრი



გიორგი გახარია